



Skwi ntakahayè a shkè te gédé'a

Ma d'èlèwèr haha,
M. Watson Goodman a mbica'a

A nshum ka bai

Skwi ntakahayè a shkè te gédè'a

Dèlèwèr haha a bicè ma tsad' tsad', man a senda nga sam tsad' tsad' te ma Zhiklè. I suna, skwi nsenda nga ma Zhiklè, ngar dèlèwèr Zhiklè, n'azbai.

Ma Zhiklè a shkè te gédè'a, a takaha ta ndohi man mi ngi-zura'a a ked' ta, man ngi-zura'a a zle ta ara skwi n'ndai, ara iyam nsai. Ndo man a kufi a géd' mali na—a njèkeda malai—a jhèdè Bi Yèsu Kristi man a nzi te ndav nenga'a, a nco a ndav, Bai Yèsu a da senda na nshèffè nenga'a, mwuffè a gumi nenga'a a da nzi te ndav ndo sa. I gau arsa mvi 1937; ha patsna nga humda a Yèsu a ngo do a vna te nshèffè mbela'a. I tsa ka rai, kalahi a deß sak Yèsu antanta! Ko ka co Yèsu a ndav hala'a, va na nshèffè ngaya tèlèba a ri a nenga'a!

—Watson Goodman

Aman Zhiklè a ngreda mwoy-ndo nenga'a a sam nga, te man Kristi a m'mets na a géd nga, aman nga ndohi malihì dai.

—Rom. 5,8

Ga ngolala Pâque, Yèsu a suna, tidè sam man a nenga'a a mshkè ma, a da jèkeda herkeda haha, a ndè a sam Bab na. A woy ndohi na, man ta zhè t'herkeda, a ndav na, a woy ta, ha a ndeva skwi tèlè-ba.

—Jean 13,1

Sèi ndo man a vi nshèffè na géd mandalahi na, ndo ngidè a fena mwoy-ndo nenga'a azbai.

—Jean 15,13

Yèsu Kristi, ndo malwuđi nzu-ra'a, tsuvom'a te nslambadka-đauda te va ndohi m'metsa'a, bai a géd bihi herkeda. Nenga'a man a woy nga a ndav na, a mpreka nga auda te mali nga, a pombaz nenga'a.

—Apocalypse 1,5

Gar haha Zhiklè a woy herkeda a ndav na, a mva ta kra nenga'a, kra nenga'a, stadgenè, aman ko wawa man a nco nenga'a a ndav na, a zi azbai, a n'ngotso nshèffè a mèdèp.

—Jean 3,16

Ndo nzi pèc pècèk a ngudokoy va a di dra: I woy ka a ndav a mèdèp; gar haha i va ka pombai a ma.

—Jérémie 31,3

Skwi man n'nggheda a civèd' Zhi-
klè, skwi mbia'a a vava: Zhiklè
a ngudko va a dai ara ndo, a
n'ngreda auda zura'a te Mèzhèß
Zhiklè, a ngudoko ta va a dai a go-
lahi Zhiklè. Ta njo nenga'a a sam
ndohi herkeda, a ndohi herkeda ta
co a ndav, a Zhiklè a nda'a a sam
n'njèl nenga'a. —1 Timothée 3,16

Skwi haha a ngau, ara ma Zhi-
klè, man a god' te ma ndo nhadka
ma: Na haha bidali a ngècè kra, a
da yi kra ngura'a a ta da va na
nzlembad' nenga'a Emmanuel, ara
ngèd'è: Zhiklè a nda nga.

—Matthieu 1,22-23

Yesu a ngad'a na: N'nzi ga a
sam kine kumba, a ka senyè bi dè,

Philippe? Ndo man a rkaye, a rka
Bab ga ma, a ka gad' kè: Ngra nga
Bab nga? Ka co a ndav ngaya bi
d'è? I te Bab ga, Bab ga te iyè!

—Jean 14,9; 10a

Te nhinkad' na, ma Zhiklè a zhè.
Ma'a a zhè a sam Zhiklè. Zhiklè,
nenga'a ma'a. A ma Zhiklè a
n'nde na a ndo, a n'nza a sam nga,
a nga rka n'njèl nenga'a. N'njèlè
Bab Zhiklè, man a mva na kra ne-
nga'a stad'genè, n'ndha a pombai
a ma nzura'a. —Jean 1,1; 14

Nga a bab ga, nga stad'genè. Ma
man i gad'a kinè, i god' te gèd' ga
ka bai. Skwi man i gau, Bab ga
man a zhè te ndav ga, a ngau.

—Jean 10,30; 14,10b

Aman te Kristi skwi Zhiklè telè-ba a zhè a vava. —Colossiens 2,9

Aman ta ya nga kra, nga ngots kra ngura'a, wufi bai te va neng'a'a; ta baha na: Ndo n'ngra nga maya, mbikabai, Zhiklè Bi wufai, Bab nga a mèdep, Bi gumai.
—Esaie 9,5

Ngèdè ma neng'a'a, na haha vani nsleka'a a mshke, a mva ta mèzhèb a géd. Na haha, ta tsena ngèdè stad te va vanai: Neng'a'a kra ga, man i woya'a a ndav ga. Ndav ga a wuffè kumba a géd neng'a'a. Va-tsun ma na. —Matthieu 17,5

Gol Zhiklè m'mbed'a na a ma: Mèzhèb Zhiklè nkezla'a a di a shkè a géd ngaya, a wudi Zhiklè

te gédè'a a da nzi a géd ngaya. Gar haha kra man ka da yia'a, nkezla'a, ta da baha na kra Zhiklè.
—Luc 1,35

Ndo man a ngreda, Yesu kra Zhiklè, Bi Zhiklè a nzi te neng'a'a, a neng'a'a te Bi Zhiklè. —1 Jean 4,15

Kin ga'a na ndo man Zhiklè a nkezla'a, man a zündkoda a herkeda: Ka derde Zhiklè! A géd man i ga'a: I kra Zhiklè.
—Jean 10,36

Na haha ta tsena ngèdè te zhiklè te gédè'a, man a ga'a: Neng'a'a kra ga man i woya'a a ndav ga. Ndav ga a wuffè kumba a géd neng'a'a.
—Matthieu 3,17

Aman i zhè t'herkeda, i skwi nhél sam herkeda. —Jean 9,5

Yesu a ngada na: Iyè, nslambadkad' ndo, a nshèffè. Ko wawa man a ciyè a ndav na, a nzi a nshèffè, ko a m'mets na. —Jean 11,25

Kin bahaye “Ndo njèngè ma”, a “Bai”, a kin god' amba. I nenga'a. —Jean 13,13

Yèsu a ngada ta za'a: A vava, a vava, i gada kinè: Iyè ntamagi tambakihai. —Jean 10,7

Ngwoz a ngada na: I suna, Mes-sie a di a shkè, ta baha na Kristi. Aman nenga'a a shkè ma, a da senda nga skwi tèlèba. Yèsu a nga-

da na: Nenga'a iyè, man nga gèdè a ka, haha. —Jean 4,25-26

A Yèsu a ngada ta: Kinè, kin shkè te godok; aman iyè, i shkè te gèdè'a. Kin shkè t'herkeda haha; iyè, i shkè t'herkeda ka bai.

—Jean 8,23

Yèsu a ngada ta: Iyè movar nshèffè. Ko wawa man a shkè a sam ga, mi a da keda'a te deba'a azbai; ko wawa man a cyè a ndav na, iyam a da dza na te deba'a azbai. —Jean 6,35

Yèsu a ngada ta: A vava, a vava, i gada kinè: Aman Abraham az di bai, i zhè ar iyè ma.

—Jean 8,58

Na haha mandazlihi cèw, man ta nza a civèd', a ta tsena Yèsu a mbeza a tsagi ta, ta bo'ho: Nga da se ka te va, Bai, kra David! . . . A ta su Yèsu te va, a nlama ta di ta, a nasa nasa di ta a mwin na. A ta dzodzora. —Matthieu 20,30; 34

A ngad'a ta ndohi rèdèdè'a, aman ta nzahai a kuza. A mco movar zlam a klèf cèw, a mpu di a zhiklè, a mpshè na ma, a ntsaka movar, a mva ta golahi nenga'a, a golahi ta va ta ndohi rèdèdè'a. A ta ndau tèlèba, a ta ngeza'a. A ta hul njèkèdi movar, gadagar 12, n'ndha'a. Ndohi man ta ndau, ngurhi 5000, ngwozi a wudahi ta te va bai. —Mattieu 14,19-21

Aman njè-ma nenga'a klèng ma, a ngad'a na Simon: Herde wurom a ndev iyam! Va-wusheda latahi kinè, a kin por klèf! Simon a m'mbed'a na a ma: Bai, nga gu mi-zlinè daga man a vad' tèlèba, nga ngatsa skwa bai. Aman a gèd' man ka gofo, i wusheda lata mènè. Aman ta gu arsa, ta por klèf a vata, ha lata a woy a kurècè.

—Luc 5,4-6

Kin woy a i ga kinè mè? Ta gad'a na: Bai, gu aman a nga rka dai. —Matthieu 20,32b; 33

Te deba'a ta cko ndo madzagai a sam na, ndo'a mandazlai ndabazlam. A Yèsu a m'mbela'a, a gèd'è, a rka dai. —Mattieu 12:22

Aman skwi tèlèba n'nga te nenga'a, skwi te gidfèk, skwi a géd herkeda, skwi man di ndo a rka'a, skwi man ndo a nrka a di bai, sam n'nzi bihai, bihai, kokwar-bihai, a wudihai. Skwi tèlèba n'nga a nenga'a, a géd nenga'a.

—Colossiens 1,16

Antanta, man tidè sama ma, a ngad'a nga ma te kra nenga'a. Zhiklè a ngu nenga'a a ndo n'ngècè skwi Zhiklè tèlèba. Te nenga'a ba a ngu herkeda.

—Hébreux 1,2

Gar haha ndohi Israel tèlèba sèi da suna a vava, Zhiklè a n'nga Yèsu haha, man kin gezlala'a, a Bai a Kristi.

—Actes 2,36

A i winè ta dai, aman ta rka skwi man Zhiklè a huro a ngia'a, man n'nggheda te nhinkad' herkeda te Bi Zhiklè, man a ngu skwi tèlèba.

—Ephésiens 3,9

Skwi tèlèba n'nga a nenga'a; ko skwi stad' azbai, man n'nga'a a vna bai.

—Jean 1,3

Aman Kristi a m'mets na, a nslambad'kad'auda a nshèffè za'a, a géd man a gi bai a géd ndohi m'metsa'a a ndohi man ta shèffè cèw ba.

—Romains 14,9

Aman Zhiklè nlèbèslè'a, nenga'a man a baha kinè, man kin humda a Yèsu Kristi, kra na, Bi nga.

—1 Corinthiens 1,9

Yèsu Kristi, ndo kita a géd' tèleba

7

Aman kra-ndo a shkè a n'njèl na, a nda golahi Zhiklè tèleba, a da nzi a géd' sam n' nzi bi n'njèl na. A da bic ta ndohi herkeda tèleba a sam nenga'a. A nenga'a a da ngel ta, lèmèlèmè ara ndo mber skwai, a nkezla tambakai a bokwai.

—Matthieu 25,31; 32

A Yèsu a mfa nga ma a géd', aman nga njè'a a ndohi tèleba, aman nga ngrédè'a, Zhiklè a n'nga Yèsu a ndo kita a géd' ndohi a nshèffè a ndohi m'metsa'a ba.

—Actes 10,42

A pats man Zhiklè a gi kita te Yèsu Kristi, a géd' skwi n'nghe-da'a te ndav ndohai, ara ma mbe-la'a man i njè'a. —Romains 2,16

Zhiklè a gi kita a ndo azbai. Aman kita tèleba a feda a ri kra.

—Jean 5,22

I bid ka, a vata ba, a sam di Zhiklè a Yèsu Kristi, man a di a shkè, a gi kita ndohi a nshèffè a ndohi m'metsa'a, aman nda gudko va te kokwar-Bi nenga'a.

—2 Timothée 4,1

Aman ka wa, man ka fa na malai a géd' kramam ngaya, a ka kwola kramam ngaya.

—Romains 14,10

Pats ngidè man a woya'a, a da gi kita ndohi herkeda tèleba zura'a. Ndo stad' man a fedahai a ngia'a. —Actes 17,31a

8 Yèsu Kristi stadgenè a preka nga auda

Yèsu a ngada na: Iyè civèd', a ma nzura'a, a nshèffè; ndo ngidè a shkè a sam Bab ga azbai, sèi a bezkad' a iyè. —Jean 14,6

Gar haha i gada kinè, kin da metsi kinè te mali kinè. Aman kin cè a ndav kinè bai, i nenga'a, kin da metsi kinè te mali kinè.

—Jean 8,24

Skwi m'mbel ndo te ndo ngidè azbai, t'hwad' gidfèk nzlembad' ngidè azbai, man ta vi a ndohai, aman nga mbel nga. —Actes 4,12

Iyè ntamagai. Aman ndo a bi-zhè a iyè, a mbél na, a dè auda, a

shkè a deba, a ngècè skwi n'ndi na. —Jean 10,9

Gar haha a slaha a m'mbel ta tenga'a man ta shkè a sam Zhiklè a nzlembad' nenga'a, a mèdèp, te man nenga'a a nzi a nshèffè a mèdèp, aman a tsi ri a gèd' tenga'a.

—Hébreux 7,25

Te deba'a man n'nga'a njèlèlè'a ma, n'nga'a a verzi skwi mbél ndohi man ta fa na gèd', a mèdèp.

—Hébreux 5,9

A ta ngots ngi-zura'a te pombi nenga'a, a gèd' Yèsu Kristi, man skwi mpil gèd'; a gèd' mizlinè ndohi ka bai. —Rom. 3,24

Yèsu Kristi stad'genè a preka nga auda

9

Ka amba, ka slaha a ka cè d'èlè-wèr, a ka pelasla skwi mpizlè ntkotsa'a, a géd' man ta zlama ka da'ai, ka sumka ta ndohi te verzi tsad' tsad', a da'ai ta tsad' tsad', tè-lèba a deba a Zhiklè, a pombaz ngaya. —Apocalypse 5,9

Kra-ndo a mshkè, a woya'a, a mbela skwi man a ze na.

—Luc 19,10

Kinè a zhè te Yèsu Kristi a géd' Bi Zhiklè, aman Yèsu a ngi a mayanga, a ge nga a ndohi nzura'a, a kezla ndav nga, a preka nga auda. —1 Corinthiens 1,30

Yèsu, man a vau va na a géd' nga, aman a preka nga auda te

mali tèlèba, a pènè ndav ndohi neng'a'a, a ta gi gazawa a géd' mizlinè man amba. —Tite 2,14

Aman Zhiklè a mpe nga a sam ndzoan bai, aman a sam man nga mbel nga te Bi nga Yèsu Kristi.

—1 Thess. 5,9

Va-shüd' géd' a Bab nga, man a til kinè, aman kin slaha a kin ngè-cè skwi Zhiklè, a nda ndohi Zhiklè a sam nhela'a. A mpreka nga auda te ri wud' ruva, a mpe nga a kwar-Bi kra neng'a'a, man a woya a ndav na, te neng'a'a géd' nga mpela, mali nga mpra'a.

—Colossiens 1,12-14

Holhola'a a da bir nga a sam ndzoan Zhiklè, te man antanta nga ga'a a ndohi nzura'a te pombaz nenga'a. —Romains 5, 9

Holhola'a pombaz Kristi, man a vau nshèffè a ri na a skwi nzli a Zhiklè, man mali a te pa bai, te Mèzhèß Zhiklè man a zhè a mèdep, a pènè mèzhèß ndav nga te mizlinè m'metsa'a, man kala a deba ma, a nga gi mizlinè Zhiklè man a zhè a nshèffè.

—Hébreux 9, 14

Aman nga dè te ndev sam nhe-la'a, lèmèlèmè ara nenga'a ba te ndev sam nhela'a, nga humda, ngidè a ngidè. A pombaz Yèsu,

kra nenga'a, a pan nga te mali stad stad tèleba. —1 Jean 1, 7

Kin suna, skwi man a sumka kinè a deba te maya nshèffè bababhi kinè hala'a, man skwi ambalai, ara verzhègenè a guro man a di a gédèsh na ka bai; aman pombaz Kristi nzala'a, nara kra tambak man mohtsomb skwi ka bai.

—1 Pierre 1,18; 19

Aman na haha pombaz ga, pombaz nderzlè-ma, man mbadahai, a mprè mali ndohi kumba.

—Matthieu 26, 28

Yèsu a mpela gèd' nga a pombaz na, a mpra nga malai te pombi nenga'a mbia'a. —Ephésiens 1, 7

Skwi mbel ndo a géd ncè Yèsu Kristi a ndav 11

Aman skwi malwudíhi haha ta windo, aman kin cè a ndav, Yèsu, nenga'a Kristi, kra Zhiklè. A géd ncè-a-ndav kinè kin da ngècè nshèffè a nzlembad na. —Jean 20, 31

Ta gada na: Nga da gi be kè, aman nga gi mizlinè Zhiklè? A Yèsu a m'mbedá ta a ma: Na haha mizlinè Zhiklè, aman kin cè nenga'a man Zhiklè a zlündkodá, a ndav kinè. —Jean 6, 28; 29

Aman a pombai kin mbel kinè, a ncè-a-ndav; a ri kinè ka bai; Zhiklè a mva kinè; a mizlinè kinè ka bai, aman ndo da dzugor va bai.

—Ephésiens 2,8; 9

Ndohi Zhiklè, ko wawa, ta ga a ngul herkeda. A ncè-a-ndav nga, nga ga'a a ngul herkeda.

—1 Jean 5, 4

Aman te Kristi, ko ngwon n'ngela, ko ngwon n'ngel bai, skwi ambalai; sèi ncè-a-ndav te mwoy-ndo. —Galates 5,6

Aman anai nga ngots ngi-zura'a te ncè-a-ndav, nga ngots gumi Zhiklè, te Bi nga Yèsu Kristi.

—Romains 5,1

Co Bi Yèsu Kristi a ndav ngaya, a ka, a gi ngaya kin mbel kinè.

—Actes 16,31b

Aman pombi ngaya mbia'a, a dè zhiklè, nlèbèsèlè ngaya mbia'a, a dè a va vanai. —Psaume 108,5

Pombi Ndo nzi pèc pècèk n'ndev di bai, nsi ndo nenga'a te va klèng di bai. A ncid' sam a ncid' sam nga sia te va za'a, nlèbèsèlè nenga'a mbia'a.

—Lamentations 3,22; 23

Zhiklè, ngar ka wa? Man a ked'a na géd' dai a mphömè, a pra ta mali a ndohi n'ndi gi na, a gi ndav a mèdèp azbai, aman a wuffè a mvi pombai. —Michée 7,18

Ara man gidfèk a zhè kerpa'a a géd' herkeda, lèmèlèmè pombi nenga'a a zhè a sam ndohi man ta gi zlaua'a. —Psaume 103,11

Aman pombi Ndo nzi pèc pècèk a zhè a mèdèp ba a sam ndohi man ta gi zlaua'a, a ngi-zura nenga'a a sam wud wuda tenga'a.

—Psaume 103,17

Zhiklè a m'mbel nga, a géd' skwi nzura'a man nga gu ka bai, aman a géd' man ndo a sia te va. A m'mbel nga, a mpan nga, a nye nga mbua'a a wudi Mèzhèb Zhiklè nkezla'a. —Tite 3,5

Gar haha ngo-hurdokoy va a sam n'nzi bi na, man pombi a ngècè a pa, a nga fi géd' a vna, a nga da ngècè nsi ndo te va a pombai a pats man a woy skwi ntakaha nga a zhè. —Hébreux 4,16

Anai vo-washkè, a ngo-tsommo-koy ma, Ndo nzi pèc pècèk a gad'a. Aman malihi kinè nduzoa ara vè-vèzh, ta da gi a nslekaďa'a ara go-gumai. Aman nteva, ta da ngwod ta ara gwots tambak. —Esaie 1,18

Kin tèleba, man iyam a dza kinè, vo-washkè a sam iyam! Kinè ba, man suli kinè azbai, vo-washkè! Kin ngècè ambalai, a nshum ka bai, barassa a wa. —Esaie 55,1

Vo-washkè a sam ga, kin tèleba man ntulè a keď kinè, man skwi mwuditpa a ga kinè, a i da va kinè nshèk va. —Matthieu 11,28

A Mèzhèb Zhiklè a medemi ta gad'a: Washkè! A ndo man a tse-na'a, da god: Washkè! A ndo man

iyam a dza na, da shkè. Ko wawa man a woya'a, da co iyam nshèffè, ambalai. —Apocalypse 22,17

Ndo nzi pèc pècèk a ngad'a na Noé: Do a wurom, kinè a ndohi gi ngaya, aman i ngats ka ndo nzu-ra'a a sam ga, te va ndohi herkeda haha tèleba. —Genèse 7,1

A pats ndiv ngolala n'ndfuzo'a, Yèsu a nzlatsa, a mboho, a ngad'a: Ko wawa man iyam a dza na, da shkè a sam ga, a nsia'a!

—Jean 7,37

Va-jèk ta wudahi aman ta shkè a sam ga! Kin gedassa civèď tenga'a bai, aman kokwar Bi Zhiklè a ndohi ara tenga'a. —Marc 10,14b

Gar haha vo-do kinè auda a sam tenga'a, va-kezla va kinè, Bi Zhiklè a gaða, kin lama na skwi nli-zhèa ßai, a i woy a i ce kinè, a i gi a Bab kinè, a kin gi a wudahi a dala-hi ga, Bi Zhiklè wuði tèlèba a gaða. —2 Corinthiens 6,17; 18

Va-nza, ma az a géf kinè ßai, zura'a, wudahi Zhiklè, malì az a sam kinè ßai, te ndev ndohi herkeda man ta gedas ta, a ta ngwode ta a ndohi ambabihia'a te ndev tenga'a kin hél sam ara skwi nhél sam t'herkeda. —Philippiens 2,15

Skwi haha a ngreda auda, man ta wudahi Bi Zhiklè, man ßai wudahi bi madzagai: Ndo man a gi

skwi zura'a azßai, a shkè te Bi Zhiklè ka ßai, lèmèlèmè ndo man a woy kramam nenga'a ßai.

—1 Jean 3,10

Ndohi tèlèba man Mèzhèß Zhiklè a de ta, tenga'a wud Zhiklè. Aman kin ngatsa Mèzhèß man a ga kinè bèlè ßai, a kin gi zlau. Aman kin ngatsa Mèzhèß Zhiklè man a ndeda kinè a wudahi Zhiklè man kin baha na Zhiklè: Abba, Bab nga! —Romains 8,14; 15

Aman ko wawa man a nco, a mva ta wuðai, aman ta ndi a wudahi Zhiklè. Tenga'a man ta co nzlembađ na a ndav ta. —Jean 1,12

Zom a mbèhwali a ka, skwi mbe-sla'a a pi mverslè a ma ndo.

—Proverbes 20,1

Sèi nga nzi zura'a, a nga gudko skwi nzura'a auda, ngi golahwad' ka bai, mwoy zom ka bai, mphömè ka bai, mbizhèzlawa ka bai, mbèzl va a srak ka bai. Aman va-feda Bi Yèsu Kristi a va, a kin war di va kinè, aman kin dzodzor ntétékè nenga'a bai!

—Romains 13,14

Skwi man ndohi ta gia'a te nté-tékè ta, a ngrédè auda: ngi mphö-mè, skwi nlizhèa, mbizhèzlawa, ngi vrai, m'mbèh skwai, ngi mayam, ngi ndav, srak, ndzoan, mbèzl va, tiflè man a kezla ta ndo-

hai, njèjèr ma civèd' Zhiklè ngidè, ntétékè, njèjèr zom, n'ndi skwi ketsam-ketsama'a, a skwi tsad' tsad' aranta man i gaða kinè nshè-lèkura'a, a i gèdè za'a: Tengahi man ta gi arsa, ta da ndi kokwar-Bi Zhiklè azbai. —Galates 5,19-21

Ka pu di a zom bai, man nduzoa a pa ka wi a ma, man te kokwai kuzlèr-kuzlèrè'a a hi a hwad' a ri na. Aman te deba'a a je ka ara zhüzhok, a da ka dèrè a va ara ntü-msho. —Proverbes 23,31; 32

Wobau a géd' ndohi man a prèk te gi langa ta jèjèr zom, man ta zhè a zom te géd', ha vad'.

—Esaie 5,11

Civèd tsad tsad: ndohi ta hur a ta gad'a: Civèd nzura'a, aman te deba'a a da na ma a m'metsai.

—Proverbes 16,25

Aman Yèsu a civèd ma, ndo ngidè a nhakad'ai, a ngurbahai a sam na, a ndzhod'o: Ndo njèngè ma man amba: I da gi be kè, aman i ngècè nshèffè mbia'a man a ndev azbai a mèdèp? Yèsu a ngad'a na: Ka bahayè man amba èhèmè? Man amba, na stad'genè, sèi Zhiklè. Ka sun ma Zhiklè: Ka kud'ndo bai, ka gu mphömè bai, ka gu metsar bai, ka gu malwud'i ncèkèlma bai, ka ngwoda ri a ndo bai, slubordo bab ngaya a mam ngaya! Nenga'a a ngad'a na: Ndo njè-

ngè ma, i goko skwia daga man i kra. A Yèsu a mpa na dai, a wo-ya'a a ndav na, a ngad'a na: Njèkè skwi stad' a sam ngaya: Do, preda skwi ngaya tèlèba a ma, va ta ndohi ntawassa'a, a ka ngècè skwi mèshèlè te zhiklè te gédè'a. A ka shkè, dzadzarkayè! A ndav ndo matsa a m'mbed' na, a géd' ma ha-ha, a mdo na, a ndav man a kud'ai; aman skwi nenga'a a zhè a vata.

—Marc 10,17-22

Yèsu a ngad'a na: Woy Bi Zhiklè ngaya a ndav ngaya, tèlèba, a nshèffè ngaya tèlèba, a nhér géd' ngaya tèlèba. Na haha mbia te va ma kita Zhiklè, man a fena ngidè.

—Mattieu 22,37-38

Kin peda ndav kinè a wai a ri kinè bai! 17

Ndo da pe kinè a wi a ma ambali bai. Aman a géd' skwi haha ndzo-an Zhiklè a shkè a géd' ndohai man ta fi géd' a ma Zhiklè azbai.

—Ephésiens 5,6

Aman ta kumba ta da shkè a nzlembad' ga, a ta gad'a: I Kristi! A ta pètè ta ndohi kumba.

—Matthieu 24,5

Va-gu ara man ma Zhiklè a ga-d'a kinè: kin tsena a zlembad' genè ka bai, man bai kin zlakeda va kinè a ri kinè.

—Jacques 1,22a

Wudahi ga, ndo da zlakede kinè bai! Ndo man a gi skwi zura'a, nenga'a ndo nzura'a, ara Kristi, nzura'a. Ndo man a gi malai, nenga'a

ndo bi madzagai, aman bi madzagai ndo mali te nhinkad' na.

—1 Jean 3,7; 8a

Kin sun bi d'è? Ndohi nzura ka bai, ta ndi kokwar-Bi-Zhiklè azbai. Kin peda ndav kinè a wai a ri kinè bai! Ko ndohi mphömè, ko ndohi vrai, ndohi ngi ngwoz a dala, ko ndohi ngi mphömè ngura'a a ngura'a, ko ndohi metsar, ndohi keda, ndohi njèjèr zom, ndohi nderde ndo, ndohi nkedè ndo, ta ndi kokwar-Bi-Zhiklè azbai.

—1 Corinthiens 6,9; 10

Kin pu va kinè a wi a ri kinè bai! Kin slaha kin mbèhwali a Zhiklè azbai. Skwi man ndo a zlekia'a, a di a bicè'a.

—Galates 6,7

Sèi nga wuffè, a nga gi langla-
nga'a, aman kramam ngaya haha
ara man a mets na ma, a n'ngots
nshèffè a deba. A nze na ma, a ta
ngots a deba. —Luc 15,32

Gar haha ara man a géd' ndo
stad' malai a mshkè a herkeda, a
m'metsai a mshkè a géd' malai,
m'metsai a zlèzlèmè a géd' ndohi
tèlèba, a géd' man ta tèlèba ta gu
malai. —Romains 5,12

Ndo man a nzi tara'a te ngi-zu-
ra'a, a dè a sam nshèffè; ndo man
a hi a verzi skwi man ambabai, a
da na ma a m'metsai.

—Proverbes 11,19

Te deba'a, aman ntétékè a
n'nga ma, ntétékè a yi malai. Te

deba'a, man malai n'nga ma, a dè
ma a m'metsai. —Jacques 1,15

Skwi man ndohi ta hérè'a, a da
na ma a m'metsai. Skwi man Mè-
zhèb a hérè'a, a da na ma a nshè-
ffè, a gumai. —Romains 8,6

Ndo man a gi malai, sèi nenga'a
da mets na. Kra da ngots kita ma-
li bab na, a bab kra da ngots kita
mali kra bai. Ndo nzura'a da mbel
na a géd' ngi-zura'a nenga'a. Ndo
ambabia'a, skwi ambabia nenga'a
da ngwoda na va a géd'.

—Ezéchiel 18,20

Skwi ntul malai, m'metsai.
Aman skwi man nga ngècè te ri Bi
Zhiklè, ambalai, nshèffè a mèdèp,
te Kristi Yèsu, Bi nga. —Rom. 6,23

A mdo, a nlama na telai, man ta manda a pa. A ndohi man ta zußkodai, ta zlatsahai. A Yèsu a ngadfa: Masli ga, i gadfa ka, slambadfa! A ndo m'metsa'a a nslambadfa, a n'nza a verzai, a hüno ngèdè.

—Luc 7,14; 15a

Iyè ndo nshèlèkura'a, a ndo n'ndikèma skwai, ndo a nshèffè. Te va nasa i mets ga, na haha anai i nzi a nshèffè a mèdèp, a skwi mwinè a skwi mpizlè m'metsai, a sam m'metsai, nte ri ga.

—Apocalypse 1,18

Bab ga a woy iyè a ndav na, a géd' man i vi nshèffè ga. Aman i cè'a te deba'a za'a. Ndo ngidè a

cè nshèffè ga azbai; aman i via a ri ga. Wufi ga a zhè, aman i jèkeda; wufi ga a zhè, aman i cè a deba. Ma nkwèr haha i ngotso a sam Bab ga.

—Jean 10,17; 18

A woy Kristi a gi bai, ha Zhiklè a pe ta mayamhi tèlèba a hwad sak nenga'a. Mayam, man a gèdèshè te deb tèlèba, m'metsai.

—1 Corinthiens 15,25; 26

Aman a ngod' ma ar haha, a mboho a wufai: Lazare, washkè auda! A ndo m'metsa'a a mshkè auda, mbè te maslaka ara nckondo, a mberzledai. Yèsu ngadfa ta: Va-pra na maslaka auda a va, aman a dè.

—Jean 11,43; 44

Ka gu Zhiklè ngidè a tsagi ga bai! Ka gu vrai a mèzhèb skwai nte zhiklè te gédè'a, a mèzhèb skwai nte godok a géd herkeda a mèzhèb skwai nte iyam t'hwad herkeda a sam ngaya bai, ka gurba a sam tenga'a bai

Ka slefu nzlembad Ndo nzi pèc pècèk, Zhiklè ngaya, ambali bai. Aman Ndo nzi pèc pècèk a jèkeda kita azbai a géd nenga'a man a slefi nzlembad Zhiklè ambalai.

Hur pats nshèk va, aman ka kezla'a a ka slébèrdè'a, ara man Ndo nzi pèc pècèk, Zhiklè ngaya, a njè ka. Gu mizlinè m'mèn 6, a ka ga mizlinè ngaya tèlèba!

Slubordo bab ngaya a mam ngaya, ara man Ndo nzi pèc pècèk, Zhiklè ngaya, a njè ka

Ka kud ndo bai!

Ka gu mphöm-ngwoz bai!

Ka gu metsar bai!

Ka tsokol ma a géd nslamagi ngaya bai!

Ka gu ntétékè ngwoz nslamagi ngaya bai, ka gu ntétékè gi nslamagi ngaya bai, ko gi dau nenga'a, ko bèl nenga'a, ko ngura'a ko ngwoza'a, ko mari nenga'a, ko kdèh na ba, ko skwi tèlè man nslamagi ngaya a ngotso ba.

—Deutéronome 5,7-21

Aman Zhiklè a pi di a civèd' ndo, a rka sam sak nenga'a tèlèba. Vad' ba, ruva ba, azbai, aman ndohi malihi ta nghédè va a pa.

—Job 34,21; 22

Aman ndo ngid'è a ngheda va, i rka bi d'è? I ndha gid'fèk a herke-da ka bi d'è, Ndo nzi pèc pècèk a gad'a.

—Jérémie 23,24

Aman skwi n'nggheda'a azbai, man a di a shinè auda azbai. Skwi man ta pizlè'a azbai, man a dè gi-dè auda azbai.

—Luc 8,17

Ta zhè aman ta woy Zhiklè, a ta slaha ta shin nenga'a, a ta slaha ta ngècè'a. Na haha, nenga'a az

dra a sam ndo stad' stad' te ndev nga bai.

—Actes 17,27

Ndo nzi pèc pècèk a pi di a sam tèlèba, a war ndohi ambabihia'a a ndohi amba cèw ba.

—Proverbes 15,3

I tivè a zhiklè a géd'è'a, ka te pa. I manahai a sam m'metsai, ka te pa. A sam ngaya ko ruva, ruva ka bai; vad' a hél sam ara pats.

—Psaume 139,8; 12

Ko skwi stad' n'nggheda a sam nenga'a bai. Aman skwi tèlèba n'ngreda t'uda a sam di Zhiklè, nenga'a aman te deba'a sèi nga da menda na skwi tèlèba.

—Hébreux 4,13

22 Ndzoan Zhiklè a géd' ndohi nte deɓa, a mèdèp

Kra-ndo a di a zündkofi golahi nenga'a, a ta bicè ndohi tèlèba man ta slafaɗama ta sak a ndohai, a ndohi mphömè, te kokwar-Bi nenga'a. Ta da wushede ta a vogwa mbia'a. Te pa ta da kuɗai, a ta da pefi zlé'èn.

—Matthieu 13,41; 42

A tenga'a ta dè matakwan man a ndivè azbai. Aman ndohi nzura'a ta dè a nshèffè mbia'a man a ndivè azbai a mèdèp.

—Matthieu 25,46

Aman ri ngaya a sak ngaya ta kalde ka a malai, ngeldaussa, a ka wushedaussa! Dara ka dè a sam nshèffè ara ndo vedal, a géd' man

ta kalde ka a vogwa kita man a mbècè azbai a mèdèp, a ri cèw a sak cèw.

—Matthieu 18,8

Ndohi ambabihia'a sèi ta dè a sam m'metsai, ndohi nte deɓa tèlèba man Zhiklè a pca ta a géd'.

—Psaume 9,18

Ndo man ta ngots nzlembaɗ nenga'a te d'èlèwèr nshèffè ɓai, ta kalda a vogwa mbia'a.

—Apocalypse 20,15

Lèmèlèmè gidfèk a herkeda, man ta zhè antanta, ma Zhiklè a mpe ta hai, a ta zhèr vogwa a nda ndohi man ta woy civèd' Zhiklè ɓai, a ta da gédèsh ta a pats kita.

—2 Pierre 3,7

Bi Zhiklè a suna, ara man a sla-
ha a mpre ta ndohi man ta woy ci-
vèd' na, auda te skwi man a pe ta a
wai, ara man a pe ta ndohi nzura
ka bai, a hai, ha pats kita, aman a
da ga ta kita. —2 Pierre 2,9

Aman nga télèba, sèi nga da zlè-
cè a sam n'nzi kita Kristi, a sam
man ndo stad' stad' a ngècè'a, gar
amba, gar ambabai, ara man a gu
a pats nshèffè na t'herkeda.

—2 Corinthiens 5,10

Mwoy-ndo n'nga'a njèlèlè'a a
sam nga, aman nga da wuffè a
pats kita, te man t'herkeda haha
nshèffè nga lèmèlèmè ara nshèffè
Yèsu. —1 Jean 4,17

Ara man ndohi sèi ta bèzl ta
pats ngidè stad' ndèzl, te deb
m'metsi ta, kita a zhè.

—Hèbreux 9,27

A i rka ndohi m'metsa'a, mbibi-
hia'a ba a nkèshèhia ba, ta zlat-
sa a sam n'nzi bai. A ta winè d'èlèwèr-
hi a pa. Dèlèwèr ngidè, man ta
winè'a, nenga'a d'èlèwèr nshèffè;
a ta ga ta kita a géd' ndohi
m'me'tsa'a a géd' skwi man ta
gau, mwindè'a te d'èlèwèrhai.

—Apocalypse 20,12

Gar haha sèi ndo stad' stad'
télèba a da ngrédè skwi man a
gau, a malwudfi va na, a sam
Zhiklè. —Romains 14,12

A ndohi sak ta gu malwud'i a wud'i mbia'a te nslambad'kad'a Bi Yèsu auda te m'metsai. Pombi mbia'a a zhè a sam ta tèlèba.

—Actes 4,33

Gar haha a gi azbai a géd' man ndo a woya'a, a géd' man ndo a gi a wud'i na, aman a géd' Zhiklè man ndo a sia te va. —Romains 9,16

Aman kin sun pombi Bi nga Yèsu Kristi; ko nenga'a ndo mèshèlè, a n'nde na a ndo ntawassa'a, a géd' kinè, a géd' man te ntèwèshè nenga'a kin ndi a ndohi mèshèlè.

—2 Corinthiens 8,9

Aman pombi man Zhiklè a mvau, a lèmdè a mali azbai. A géd'

mali ndo stad', ndohi kumba ta bazl ta; aman pombi Zhiklè a zlè-zlèmè holhola'a a géd' pombi ndo stad', Yèsu Kristi, man ndohi kumba ta ngotso. —Romains 5,15

Aman Zhiklè a sassaya ndav a sam ndohi nfi va, a va ta pombai a ndohi m'manda géd' ta a hai.

—1 Pierre 5,5b

Aman te pombi nenga'a nga ngots ngi-zura'a, nga ga'a a ndohi n'ndi nshèffè a mèdèp, te nzhè-rè te ndav.

—Tite 3,7

Aman lèmèlèmè ara malai a gu bai a m'metsai, lèmèlèmè pombi ba a da gi bai a ngi-zura'a a nshèffè a mèdèp, te Yèsu Kristi, Bi nga.

—Romeins 5:21

Va-ngwode ndav kinè, aman ko-kwar-Bi-Zhiklè a zhè ndul ndul.

—Matthieu 3,2

I gad'a kinè: A'ai! Aman kin ngwèdè ndav kinè azbai, kin da zi kinè lèmelèmè.

—Luc 13,3

Anai va-ngwoda ndav kinè, a kin menkad'a deba a sam Bi Zhiklè, aman mali kinè mpana'a, a patsa a di a shkè, aman Bi Zhiklè a ga nga langlanga'a. —Actes 3,19

Zhiklè a hér pats man kin sun nenga'a bai, ani asabai. Aman antanta a ngad'a ta ndohi tèleba, a sam herkeda tèleba, aman ta ngwèdè ndav ta, a ta tsi rai.

—Actes 17,30

Va-wusheda mali tèleba man kin gau aussa a sam kinè! Va-woy ndav mbua'a a mèzhèb mbua'a. Kinè ndohi Israel, kin woy m'metsi èhèmè?

—Ezéchiel 18,31

Nlèyè te ndav man a shkè te ri Zhiklè, a de nga a sam m'mbélè; aman nlèyè herkeda a de nga a sam m'metsai. —2 Corinthiens 7,10

Ndo man a ngheda mali na, a grè a ma ma azbai; aman ndo man a ngreda auda, a jèkeda, a si Zhiklè te va.

—Proverbes 28,13

A Yèsu a ngad'a na ngwoz: Anai ko iyè, i ga ka kita a gèd' azbai. Do ngaya! Aman te deba'a ka da gu mali asabai!

—Jean 8,11b

Ndo man ambabai da jèkeda ci-
vèd' nenga'a. Ndo malai da jèkeda
skwi ambabia'a man a nhuro, da
menkad'a deba a sam Ndo nzi pèc
pècèk, a da sia te va; a sam Zhiklè
nga, aman nenga'a a prè mali ku-
mba. —Esaie 55,7

Ndo ambabia'a man a m'men-
kad'a deba te mali na man a gau, a
jèjèr ma nkwèr ga tèlèba, a gi skwi
nzura'a te ngi-zura'a, a da metsi
azbai, a nzi a nshèffè.

—Ezéchièl 18,21

Aman kin prè mali ndohai, Bab
kinè te zhiklè a dè prè mali kinè
arsa. —Matthieu 6,14

Te nenga'a (Yèsu) man ta njè ki-
nè mprè malai, te ncè nenga'a a

ndav kin ngots ngi-zura'a. Ne-
nga'a, Zhiklè a nzala'a a ri mandi
nenga'a, aman a gi a ndo
ncè ta ma ndohai, a ndo m'mbel
ndo, aman kokwar Israel a ngwè-
dè ndav na, a ngècè mprè malai.
—Actes 13,38b; 5,31

Gar haha nzala va ngaya, a ka
ngwode ndav ngaya! Na haha iyè
a ntamagai, a i bèhè. Ndo man a
tsena da'ai ga, a da winay ntama-
gai, i dè a pa a sam nenga'a, a nga
da ndi skwi a nda nenga'a, a ne-
nga'a a nda iyè. —Apocalypse 3,20

Yèsu, man a rka, ta co a ndav ta,
a ngad'a na ndo vedal: Kra ga,
malihì ngaya ta pra ma! —Marc 2,5

Kin woy herkeda a skwi nte pa bai! Aman ndo man a woy herkeda, te nenga'a mwoy-ndo Bab Zhiklè azbai. Aman skwi tèleba man a zhè t'herkeda, skwi man ndav ndo a tètékè'a, nfi va ambalai, a shkè te Bab Zhiklè ka bai, aman t'herkeda.

—1 Jean 2,15; 16

Kin humda bai a mizlinè ruva, man skwi mbela'a a shkè auda te pa azbai; m'mbela kin ngreda skwi nenga'a ambabia'a auda.

—Ephésiens 5,11

Kinè ndohi mphömè, kin sun bi dè, ndo man a gi mandala a herkeda, a gi a mayam Zhiklè. Ndo man a woya a gi a mandala a herkeda,

nenga'a a ndi a ndo mayam Zhiklè.

—Jacques 4,4

Va-pana va, va-tila va kinè! Vace na shèwa kinè auda a sam diga! Va-jèkeda malai!

—Esaie 1,16

Va-hur skwi nte gédè'a, skwi herkeda ka bai.

—Colossiens 3,2

Aman pombi m'mbel ndo te Bi Zhiklè a ngudoko ta va a dai a ndohi tèleba, a ngatsa nga maya, aman nga jèkeda skwi man amaha Zhiklè bai, a ntètékè herkeda, a nga nzi a nshèffè a géd herkeda haha, a nga hér skwi nzura'a, a maya, a nga gi zlau Zhiklè.

—Tite 2,11; 12

Yèsu a m'mbed'a na a ma: A va-va, a vava i gaɗa ka: Aman ndo a yakadi mbua'a te Zhiklè ka bai, a slaha man a nrka kokwar-Bi-Zhiklè bai. —Jean 3,3

Ndo man a zhè te Kristi, n'nga'a a ndo mbua'a, skwi m'mova'a kala a deba ma, na haha skwi tëlèba n'nga a mbua'a.

—2 Corinthiens 5,17

I da va kinè ndav mbua'a a mèzhèb mbua'a a ndav kinè. I da cè ndav man ngwora ara kwa auda te va kinè, a i va kinè ndav man ara gwoli va kinè. —Ezéchiél 36,26

Nga suna, ndo man a yaka te Bi Zhiklè, a gi mali azbai. Aman ndo

man a yaka te Bi Zhiklè, Zhiklè a birè'a, a nenga'a man ambabai a da lama na azbai. —1 Jean 5,18

Aman ko wawa man a nco, a mva ta wud'ai, aman ta ndi a wudahi Zhiklè, tenga'a man ta co nzlembad' na a ndav ta. —Jean 1,12

Kinè ndohi man ta yaka kinè macecèwa'a, te tser skwi nhusla'a ka bai, aman te tser skwi man a huslè azbai, nenga'a ma nshèffè Zhiklè, man a nzi dai a mèdèp.

—1 Pierre 1,23

Aman kin pana, kin kezla, kin ga'a a ndohi nzura'a te nzlembad' Bi Yèsu Kristi, te Mèzhèb Zhiklè nga ma. —1 Corinthiens 6,11b

Kinë hala'a ndohi m'metsa'a a géd' maharam a malai . . . Zhiklè a nslambad'kad' nga auda a nda neng'a'a, a mva nga sam n'nzi te zhi-klè a nda neng'a'a te Yèsu Kristi.

—Ephésiens 2,1; 6

Ndohi man te Yèsu Kristi, ta ge-zlala ntétékè va tenga'a, a skwi man a woya'a.

—Galates 5,24

Nga, man nga mets nga a sam mali ma, nga slaha nga gi mali a ma ma dè? . . . Gar haha kinè ba, va-rka va kinè ara man a mets na a sam mali ma, a kin nzi a nshèffè man a Zhiklè te Yèsu Kristi.

—Romains 6,2; 11

Aman kin slambad'kad'auda a nda Yèsu Kristi, va-woy skwi nte

géd'è'a, man Yèsu Kristi a zhè, a nza a pa te civèd' ri mandi Zhiklè! Va-hur skwi nte géd'è'a, skwi he-rkeda ka bai!

—Colossiens 3,1; 2

Neng'a'a a nco malihi nga a deb wof te va neng'a'a, aman nga jèke-da n'nzi te malai, a nga nzi a géd' ngi-zura'a. Te mblè neng'a'a kin mbel kinè.

—1 Pierre 2,24

Kinë man kinè ndohi m'metsa te ri malai hala'a, man ndav kinè ntil bai, a va kinè nshèffè a nda neng'a'a, a mpra nga malai te pom-bi na.

—Colossiens 2,13

Aman nga nzi a nshèffè te Mè-zhèb, sèi nga jèjèr Mèzhèb ba.

—Galates 5,25

Skwi ntul malai, m'metsai. Aman skwi man nga ngècè te ri Bi Zhiklè, ambalai, nshèffè a mèdèp te Kristi Yèsu, Bi nga.

—Romains 6,23

Ndo man a zleki a gèd' ntétékè nā, a di a bîcè te ntétékè skwi man a gedassa va na. Aman ndo man a zleki'a te Mèzhèß, a di a bîcè te Mèzhèß Zhiklè nshèffè a mèdèp.

—Galates 6,8

Ara Moise a nzlatseda zhüzhok t'hèshèkèd', ta da zlecèdè kra-ndo. Ko wawa man a cè nenga'a a ndav na, a ngècè nshèffè a mèdèp.

—Jean 3,14; 15

A vava a vava i gad'a kinè: Ndo man a tsena ma ga, a nco ma nenga'a man a zlindekayè a ndav na, a n'ngotso nshèffè a mèdèp, a ngècè kita a gèd' na azbai, aman a ntsoko gèd' na auda te m'metsai, a n'ndo a nshèffè.

—Jean 5,24

Na haha nshèffè a mèdèp, aman ta sen ka, ka Zhiklè nzura'a stadgenè, a nenga'a man ka zündo, Yèsu Kristi.

—Jean 17,3

Ndo man a nco kra Zhiklè a ndav na, a n'ngotso nshèffè a mèdèp. Ndo man a fi gèd' a kra Zhiklè azbai, a rkè nshèffè a di azbai, aman Zhiklè a gi ndav a gèd' nenga'a.

—Jean 3,36

Anai kinè wudahai, man Zhiklè a zlündo Mèzhèb kra nenga'a a ndav kinè, man a gad'a: Abba, bab ga! —Galates 4,6

Nga suna, nga nzi te nenga'a, a nenga'a a nzi te ndav nga, te man a mva nga Mèzhèb nenga'a. —1 Jean 4,13

Wudahi ga, ngo-woyokoy va nga a ma genè ka bai, a ngèdè genè ka bai, aman a skwi man nga gia a nzura'a. Te nenga'a nga suna, nga zhè tè ma nzura'a, a ndav nga m'mana t'hai te skwi man nga gia'a. —1 Jean 3,18; 19

Ndo man a fi gèd' a ma nkwèr nenga'a, a nzi te nenga'a, a nenga'a a nzi te ndav na. A nga su-

na, a nzi te ndav nga, te Mèzhèb Zhiklè man a va nga. —1 Jean 3,24

Ndo man a n'ngots ma nkwèr ga, a fi gèdè'a, nenga'a ndo man a woy iyè a ndav na. Ndo man a woy iyè a ndav na, Bab ga ba a woy nenga'a a ndav na, a i woya'a a ndav ga, a i da ngreda na va ga. —Jean 14,21

Mèzhèb Zhiklè a ri na a gi malwud'i a Mèzhèb te ndav nga, aman nga wudahi Zhiklè. —Romains 8,16

Ndo man a n'ngots kra Zhiklè, a n'ngots nshèffè. Ndo man a ngat-sa kra Zhiklè bai, a n'ngat-sa nshèffè bai. —1 Jean 5,12

Kristi te ndav nga, a va nga mwuffè

Ma haha i gada kinè, aman mwuffè ga a zhè a sam kinè, a mwuffè kinè a gi jèlèlè'a.

—Jean 15,11

Aman Kristi da nza te ndav kinè te ncè-a-ndav.

—Ephésiens 3,17a

Ka ngray civèd nshèffè. Mwuffè man a ndha ndav ga a zhè a sam di ngaya; ngi langlanga'a a zhè a tsagi ngaya a mèdèp.

—Psaume 16,11

Aman antanta i dè a sam ngaya; aman ma haha i gèdè t'herkeda, a ndav tenga'a da ndha a mwuffè ga.

—Jean 17,13

Aman kokwar Bi Zhiklè n'ndi skwai, nsi skwai ka bai, aman ngizura'a a gumai a mwuffè te Mèzhèb Zhiklè nkezla'a.

—Romains 14,17

I nzi a nshèffè, aman anai i ka bai, aman Kristi a nzi a nshèffè te ndav ga. I nzi a nshèffè te va ga haha, a géd ncè kra Zhiklè a ndav, man a woy iyè a ndav na, a mvau va na a géd ga.

—Galates 2,20

Kin da géj iyam te nlèlè m'mbel ndo a mwuffè.

—Esaie 12,3

Aman nga da ngècè va za'a, a ndav kinè a da wuffè, ndo ngidè a da cè mwuffè auda te ndav kinè azbai.

—Jean 16,22b

Kin sun bi d'è, a sam ndo man kin fi gèd' a ma nenga'a, kin gi bèl nenga'a. Gar malai, man a dè a m'metsai, gar nfi gèd' man a dè a ngi-zura'a. —Romains 6,16

Ani haha, a patsna i geda ka ma mpshè ma kinè, a ma mphomde kinè. Ma mpshè ma, aman kin tsena ma nkwèr Ndo nzi pèc pècèk, Zhiklè kinè, man i njè kinè a gèd' a patsna. Ma mphomde kinè, aman kin tsena ma nkwèr Ndo nzi pèc pècèk, Zhiklè kinè, azbai.

—Deutéronome 11,26-28a

Aman kin da fi zlembad' a ma Ndo nzi pèc pècèk azbai, a kin gi

mèdègèd' a sam ma man Ndo nzi pèc pècèk a gad'a kinè, kita Ndo nzi pèc pècèk a zhè a gèd' kinè, a gèd' bi kinè. —1 Samuel 12,15

Aman a kinè, man kin si matakwan, a va kinè nshèk va a nda nga, aman Bai Yèsu a da gudko va a dai te zhiklè, a golahi nenga'a man wufi ta a zhè, te nè'èn vogwa, a ga ta kita a ndohi man ta sun Zhiklè bai, a ndohi man ta fa na gèd' a ma mbela'a Bi nga Yèsu bai. Ta ngècè kita ta, skwi ngedas ta a mèdèp, dra a sam di Bi Yèsu a n'njèl wufi na.

—2 Thessaloniens 1,7; 8; 9

Ko wawa man a cèkèlma a géd kra Zhiklè, a n'ngatsa Bab Zhiklè bai lèmèlèmè. Ko wawa man a ngreda kra Zhiklè auda, a n'ngots Bab Zhiklè ba. —1 Jean 2,23

Aman ka ngreda a ma ngaya, Yèsu nenga'a Bai, a ka cè a ndav ngaya, Zhiklè a nslamba'da te ndev ndohi m'metsa'a, ka da mbél ngaya. Aman ndo man a cè a ndav a vava, a ngècè ngi-zura'a; a ndo man a ngrédè'a a ma na, a mbel na. —Romains 10,9; 10

Ko wawa man a ngredyè auda a sam ndohai, i ngrédè nenga'a a sam Bab ga, man a zhè te zhiklè. Aman ko wawa man a gi ara man

a senyè bai a sam ndohai, i ba i gi ara man i sun nenga'a bai a sam Bab ga, man a zhè te zhiklè.

—Matthieu 10,32; 33

Kin sun Mèzhèb Zhiklè ar haha: mèzhèb stad stad tèleba man a ngrédè, Yèsu Kristi a shkè, a ngu ara ndo, a shkè te Bi Zhiklè.

—1 Jean 4,2

Aman ndo man a gi hori ga, a hori ma ga, ko kra-ndo a da gi hori nenga'a, aman a shkè a n'njèl na, a n'njèl Bab na, a n'njèl golahi Zhiklè nkezlahia'a. —Luc 9,26

A nè'èn tèlè ta ngrédè'a, Yèsu Kristi Bai, a n'njèl Zhiklè, Bab na. —Phil. 2,11

I da zlinde ka, a ka winè di tenga'a, aman ta menkad'a deba te ruva a sam skwi nhél sam, te wu-di-bi madzagai a sam Bi Zhiklè, aman ta ngècè mprè mali tenga'a, a skwi n'ndi gai a nda tengahia tèleka, man Zhiklè a kezla ta te ncè Zhiklè a ndav. —Actes 26,18

Va-cidè dai, va-nza a dai - aman madzagai, ndo mayam kinè a tè-uda kinè a pa ara marizhèlè man a kud'kad'arai, a rka ndo man a slaha a ndia'a. —1 Pierre 5,8

Te deba'a Mèzhèb Zhiklè a n'nda Yèsu a hèshèkèd', aman bi madzagai a mpi a wai... Yèsu a ngad'a na: Kazla ngay auda a tsa-

gi ga, Sadan! Aman ta windo te d'èlèwèr Zhiklè: Sèi ka slébèrdè Bi Zhiklè ngaya stad'genè, a ka gi mi-zlinè nenga'a stad'genè. Te deba'a bi madzagai a njèkeda Yèsu a pa. Na haha, golahi Zhiklè ta shkè a sam Yèsu, a ta takaha.

—Matthieu 4,1; 10; 11

Va-feda skwi var Zhiklè tèleba a va, aman kin slaha a kin zlecè a sam man bi madzagai a pe kinè a wai a maya na. —Ephésiens 6,11

Aman ndo nderd'a Zhiklè sa a di a slèmbèd'è a wu-di Sadan, a ngi nrkedi tsad' tsad', a ngreda skwi auda tsad' tsad' a wu-dihi ncèkèl-ma. —2 Thessaloniens 2.9

Va-fa na gèd' a Zhiklè. Va-sala va a sam madzagai, a nenga'a a hi na auda a sam kinè. Va-herda na va a Zhiklè, a nenga'a a di a herdeka kinè va. —Jacques 4,7; 8a

Te deba'a tsam tsam ndo nderda Zhiklè a da gudko va, a Bai Yèsu a di a keda'a a nshèffè man a shkè auda te ma na; ngedè va Yèsu a zeda langa.

—2 Thessaloniens 2,8

Ara man wudahi ta ngots gada va a pombaz ara ndohai, nenga'a ba lèmelèmè. Aman te m'metsi nenga'a a nguzlo wufi te ri bi madzagai, man a ngots wufi m'metsai. —Hébreux 2,14

Kra Zhiklè a shkè, aman a ngedassa mizlinè bi madzagai.

—1 Jean 3,8b

Nslaha a nkezle nga te mwoyndo Kristi mè? Matakwan a zlau dè, dè man ta paraha nga dè, dè mi dè, dè n'nzi adi dè, dè skwi mwuditpa dè, dè kafahi gwèsh dè? . . . Aman te skwi haha tèlèba nga gi a ngula'a, a fena ndohi n'ngul skwi tèlèba, te Yèsu man a woy nga a ndav na.

—Romains 8,35; 37

Aman skwi var man nga gi var a vna, skwi ndo ka bai, aman wufi te ri Zhiklè, man a ngedassa skwi n'nzala'a. —2 Corinthien 10,4

Aman kin gi ar haha, ndohi tèlèba ta suna, kinè golahi ga, te man ngidè a woy ngidè, ngidè a woy ngidè. —Jean 13,35

Ko man agassa i gèdè ma ndohai, a ma golahi Zhiklè, aman mwoy-ndo a ndav ga azbai, i lèmèlèmè ara züdo, ara ngurlèlèi man a slhè. —1 Corinthiens 13,1

Ndo man a gadà: I woy Zhiklè, aman a gi shèwa a kramam nengà'a, ndo ncèkèlma. Ndo man a woy kramam nengà'a, man a rka'a a di bai, a slaha a nwoy Zhiklè man a rka bi dè? —1 Jean 4,20

Nga suna, nga shkè auda te m'metsai a nga dè a nshèffè, te

man nga woy kramamhi nga. Ndo man a woy kramam na bai, nte m'metsi dai. —1 Jean 3,14

A ngadà na macecèwa'a: Simon, kra Jonas, ka woy iyè a ndav ngaya dè? A nengà'a a ngadà na: Halau, Bai, ka suna, i woy ka. A Yèsu a ngadà na: War tambakihi ga! —Jean 21,16

Skwi man a shkè auda te Mèzhèb: Mwoy-ndo a ndav, mwuffè, gumai, nzhèr skwi a ma ma, ndo a se ka te va, ndav amba, nlèbèsèlè'a, ndav nlübekwa'a, ngshè va.

—Galates 5,22; 23a

Aman kin woy iyè a ndav kinè, va-fu gèd' a ma nkwèr ga.

—Jean 14,15

Yèsu a nslambad'kad'auda te m'metsai

Te deb m'mèn tsamakad', golahi nenga'a ta zhè te gi za'a; Thomas a nda tenga'a. Gi mpizlè'a. A Yèsu a mshkè, nzlatsa a ndev tenga'a, a ngad'a: Gumi a nda kinè! Te deba'a a ngad'a na Thomas: Cko kra-ri ngaya! Taraha rihi ga! Torko ri ngaya, a ka lama na zlazlar ga! Ambabai aman ka ca a ndav bai. Co a ndav! A Thomas a m'mbed'a na a ma: Bi ga, Zhiklè ga! —Jean 20,26-28

Yèsu, man a slambad'kad'auda, a prèk a pats nshèlèkura'a te luma, a ngudoko na va a dai a Marie Magdala nshèlèkura'a, te va nenga'a man a ndzor madzagihia auda tsarad'. —Marc 16,9

Nenga'a man Zhiklè a njèka na a ri a m'metsai a géd' malihi nga, a nslambad'dekod'auda, aman nga ndi a ndohi nzura'a a sam di Zhiklè. —Romains 4,25

Nga, ndohi malwud'fihia te skwi télèba man a gau te kokwar Juddée, te kokwar Jérusalem. Nenga'a ta ked'a'a, ta gezlala'a. A Bi Zhiklè a nslambad'deko nenga'a auda te pats mamakara'a, a ngu aman a gudko va a di a ndohi télèka bai, aman a nga, ndohi malwud'fihia man Zhiklè a mpar nga nshèlèkura'a, aman nga ndau a nga sau skwai a nda nenga'a, te deba'a man a slambad'kad'auda te m'metsi ma. —Actes 10,39-41

**Skwi man nga zhèrè a mwuffè, nasa
nslambad'kad'auda te m'metsai**

39

A хүно а pats nasa, aman а sen-
da ta а golahi nenga'a: Sèi i dè а
kokwar Jérusalem; ndohi nhala'a
а ndohi mvi skwi а Zhiklè mbibihi-
a'a, а malamhai, ta da gay mata-
kwan mbia'a, а ta da ked'ye, aman
а pats mamakara'a i da slambad-
kad'auda. —Matthieu 16,21

A vava, а vava, i gad'a kinè: Pa-
tsa а di а shkè, ani а zhè ma, aman
ndohi m'metsa'a ta tsena da'ai
kra Zhiklè. А tengahi man ta tse-
na'a, ta da nzi а nshèffè... Kin
hur gèd' bai! Pats ngidè ndohi
dzavihai télèba ta da tsena da'ai
nenga'a. А ta da shkè auda. Ndohi
man ta gu skwi man amba, ta sla-

mbad'kad'auda а nshèffè. А ndohi
man ta gu skwi man ambabai, ta
slèmbèd'è а kita. —Jean 5,25; 28; 29

Aman lèmèlèmè ara Kristi а
nslambad'kad'auda te va ndohi
m'metsa'a, а sam n'njèl Bab na,
lèmèlèmè nga, sèi nga dè te
nshèffè mbua'a. Aman nga metsa
а nda nenga'a, nga slambad-
kad'auda а nda nenga'a lèmèlèmè.
—Romains 6,4b; 5

A nga suna, nenga'a man а sla-
mbad'da Bai Yèsu auda, а di а sla-
mbad'de nga auda lèmèlèmè а nda
nenga'a, а da zlatsede nga а sam
na, а nda kinè. —2 Corinthiens 4,14

Nshèffè nkezla'a a géd' Zhiklè

Dalahimam ga, aman nga ngots ma mpèsl ri aranta, ngo-tülokoy va nga te skwi man a lizhè va a ndav tèleba, a nga rufa skwi nkezla ndav nga te zlau Zhiklè.

—2 Corinthiens 7,1

Ndo man a shkè auda te ndev skwi ambabia'a aranta, a pènè ndav na, nenga'a a ndi a shid'èf mbela'a, nkezla'a man babgi a slaha a ngi mizlinè a vna, ntila a mizlinè man amba tèleba.

—2 Timothée 2,21

Ndohi Zhiklè man Zhiklè, Bab nga, a mpar ta ara man a hur zlé-zlé'a te Mèzhèb nenga'a nkezla'a,

a ta pi ndav a nenga'a, ta pana a pombaz Yèsu Kristi. —1 Pierre 1,2a

Aman ara man nenga'a man a baha kinè, nkezla'a, kinè ba, a woy kin kezla te maya nshèffè kinè tèleba. —1 Pierre 1,15

A géd' man skwi haha a di a ndev na arsa, sèi kin slébèrdè Zhiklè a zlau, va-nza a maya a nshèffè nkezla'a! —2 Pierre 3,11

Aman te deba'a, aman nga mbel nga te ri ndohi mayamhi nga ma, a gi aman nga gi mizlinè nenga'a a zlau ka bai, zura'a, a ndav nkezla'a, a sam di nenga'a, a pats nshèffè nga tèleba. —Luc 1,74; 75

Civèd mbazla te pa, man ta baha na civèd nkezla'a. Ndo man ambabai a dè a pa azbai. Civèd man ndohi nenga'a ta da bizhè a pa. Ko ndo man maya na azbai, a zi te pa azbai. —Esaie 35,8

Aman te Yèsu, a mpar nga mpèrè, man herkeda n'nga di bai, aman nga gi a ndohi nkezla'a, mali nga azbai a sam di na. —Ephésiens 1,4

Aman nga ngreda mali nga auda, nenga'a nlèbèslè'a a nzura'a, aman a pra nga mali nga, a pan nga te skwi man zura ka bai tèlèba. —1 Jean 1,9

Gar haha Yèsu ba, aman a nkeze ta ndohi nenga'a a pombaz va nenga'a, a m'mets na a dal kowar. —Hébreux 13,12

Va-feda skwi mbua'a a va, man n'nga'a ara Zhiklè man a woya'a, a ndo nzura'a, amba, nkezla'a. —Ephésiens 4,24

Iyè i ga kinè baptême te iyam, te man kin ngwoda ndav kinè. Aman ndo ngidè a di a shkè te deß ga, man a fena wufi ga, i gi huyokoko'a, i slaha a i gshè kotokoroh nenga'a a ri bai. Nenga'a a da ga kinè baptême te Mèzhèß Zhiklè nkezla'a, a vogwa. —Matthieu 3,11

42 Ndohi man ndav ta n'ndha a Mèzhèb Zhiklè

I da va kinè mèzhèb ga a ndav kinè, a i gi aman kin jéjèr ma nkwèr ga a ma kita ga zura'a.

—Ezéchiél 36,27

Ndav ndohi Yèsu n'ndha a mwuffè a Mèzhèb Zhiklè nkezla'a.

—Actes 13,52

Ani haha kinè, ndohi ambabihi-a'a, kin sun nvi skwi man amba a wudahi kinè. Bab kinè te zhiklè a fena'a, aman a va ta Mèzhèb Zhiklè nkezla'a a tenga'a man ta jhè-dè'a.

—Luc 11,13

Aman ta tsu ri arsa ma, sama'a man ta biceda va a pa, a gudzai, a ndav tenga'a tèlèba n'ndha a Mè-

zhèb Zhiklè nkezla'a, a ta nju ma Zhiklè a zlau ka bai. —Actes 4,31

Kin dzodzor zom bai, aman ndav ndzakaba a shkè te pa. Aman va-ndha a Mèzhèb.

—Ephésiens 5,18

Aman Mèzhèb Zhiklè nkezla'a a shkèhai a géd kinè, kin da ngécé wudai, a kin ndi a ndohi malwudhi ga.

—Actes 1,8a

Aman kinè kin nzi ara nyakad kinè azbai, kin nzi te Mèzhèb Zhiklè, te man Mèzhèb Kristi a zhè te ndav kinè. Aman ndo man a ngatsa Mèzhèb Kristi bai, nenga'a ndo Kristi ka bai.

—Romains 8,9

Ndo nzi pèc pècèk a zhè ndul ndul a sam ndohi man ndav ta a mbedè, a takaha ta tenga'a man ta kufi te ndav. —Psaume 34,19

Kinë dalahimam ga, kin rzl kin bai a gèd' skwi mwud'itpa man a ga kinè antanta, aman ta pe kinè a wi tsad' tsad'. Kin hur bai: skwi haha nkèkèkè? Aman va-wuffa, te man kin si matakwan a nda Kristi, aman a pats nda gudko va a n'njèl nenga'a, kin da wuffè a kin gi langlanga'a. —1 Pierre 4,12; 13

Bi Zhiklè a da sahama ta kufa télèba auda a di ta. M'metsi asabai, kufa asabai, wobau asabai,

matakwan asabai, aman skwi nshèlèkura'a klèng ma.

—Apocalypse 21,4

Ri ga a ngau skwi haha télèba man a zhè, n'nga aranta, Ndo nzi pèc pècèk a gad'a. Ndo man a manda gèd' a hai, a ndav, nenga'a a mbedè, ndo man a gi zlau ma ga, i rka'a, a i pi di a nenga'a.

—Esaie 66,2

Zhiklè a gre kinè ara wudahi nenga'a; aman sèi kin si matakwan ... —Hébreux 12,7a

Yèsu a ngad'a na: Aman ka slaha a ka cè a ndav; ndo man a nco a ndav, a slaha télèba. —Marc 9,23

Skwi ngidè a pe kinè a wi azbai, sèi skwi ndohai. Aman Bi Zhiklè nlèbès'lè'a, aman a gi man skwi mpe kinè a wai a fena wud'i kinè azbai, a gi aman skwi mpe kinè a wai a di a ndiv na, a vi civèd' aman kin slaha a kin zhübè'a.

—1 Corinthiens 10,13

Skwi man a dza na ndo nzura'a a zhè kumba; aman Ndo nzi pèc pècèk a mbelè auda te skwi tèleba.

—Psaume 34,20

Aman nenga'a a nsu matakwan, skwi a mpeda a wai, anai a slaha man a ntakaha ta ndohi man skwa a pe ta a wai.

—Hébreux 2,18

Aman ka bizhè a va iyam, i zhè a sam ngaya. Aman ka bizhè a ndev woyam, iyam a mbizhèma ka a pa azbai. Aman ka bizhè a ndev vogwa, a lawar ka azbai, nè'èn vogwa a nde ka ma azbai. —Esaie 43,2

Zhiklè gumai a da kerd' da Sandan a hwaɗ sak kinè ndul ndul. Pombi Bi nga Yèsu Kristi da zhè a nda kinè!

—Romains 16,20

Aman nga suna, skwi tèleba ta mbi a ma a ngi amba, a sam tenga'a man ta woy Zhiklè a ndav ta, a sam tenga'a man Zhiklè a mpar ta, ara man a huro hala'a.

—Romains 8,28

Ndo man n'nga'a a ngula'a, i woy a i gia'a a sak gi Zhiklè ga, a dè auda te deba'a azbai, a i woy a i windè a va nenga'a: nzlembad' Bi Zhiklè ga, a nzlembad' kokwar mbia'a a Zhiklè ga, Jérusalem mbua'a, man a shkèhai te zhiklè, a sam Bi Zhiklè ga. A i windè nzlembad' ga mbua'a a pa.

—Apocalypse 3,12

Ndo man zlembad' na a zhè, da tsena ma man Mèzhèb Zhiklè a gad'a ta mpi ndohi Zhiklè: Ndo man n'nga'a a ngula'a, a da ndi wof nshèffè man a zhè a sam Bi Zhiklè mbela'a. —Apocalypse 2,7

A ndo man n'nga'a ngula'a, a bir mizlinè ga, ha ndikèma na, i

woy a i va na wufi-bai a géd' ndohi herkeda. —Apocalypse 2,26

Ndo man n'nga'a a ngula'a, sèi ta va na maslaka nsleka'da'a a va. I woya a i gédèshè nzlembad' nenga'a te d'èlèwèr nshèffè azbai, a i woya man i ngrédè nzlembad' nenga'a a sam di Bab ga, a sam di golahi nenga'a ba. —Apocalypse 3,5

Ndo man n'nga'a a ngula'a, nga da nzi a sam n'nzi ga a vna, lèmè- lèmè ara man i ga'a a ngula'a, a i nza t'hai a nda Bab ga a sam n'nzi bi nenga'a. —Apocalypse 3,21

Ndo man n'nga'a a ngula'a, a da ndi skwi haha tèlèba. Iyè, Zhiklè na, a nenga'a kra ga.

—Apocalypse 21,7

Aman iyè, i gad'a kinè: Ndo man a kwola ngwoz na, a géd' mphömè ka bai, a kalde ngwoz a mphömè. A ndo man a cè ngwoz man ndo ngidè a njèkeda, a gi mphömè.

—Matthieu 5,32

Ko wawa man a kwola ngwoz, a cè ngidè, a gi mphömè. Ko wawa man a cè ngwoz, man ndo ngidè a nkwola'a, a gi mphömè. —Luc 16,18

A géd' ma kita, ngwoz a slaha a njèkeda baki azbai, ha baki na a m'mets na. Aman baki nenga'a m'mets na ma, ngwoz mpra ma te ma kita a géd' baki na. Gar haha aman baki nenga'a a zhè a nshèffè dai, a ngwoz a dè a gi baki ngidè, nenga'a ngwoz mphoma'a. Aman

baki nenga'a m'mets na ma, nenga'a mpra ma te ma kita, a ta baha na ngwoz mphoma'a asabai, aman a dè a gi baki ngidè.

—Romains 7,2; 3

A sam ngwozai, a baki ta, i gad'a ta, aman iyè ka bai, aman Bi Zhiklè a ngod'o: ngwoz da jèkeda baki na bai! Aman a njèkeda ma, sèi a nzi a géd' na, ha ta menda gumi a hi a baki na. Baki da kwola ngwoz na bai! Ngwoz ndzawa'a a sam baki na, aman nshèffè baki na a zhè dai. Aman baki nenga'a m'mets na ma, nenga'a mpra ma, a dè ngwoz a sam ndo man a woya'a, aman sèi ara man Bi Zhiklè a woya'a. —1 Corinthiens 7,10; 11; 39

A nga zhèr pats man Bi m'mbel nga Yèsu Kristi a ngudko va a di a n'njèl Zhiklè mbia'a. —Tite 2,13

Aman i da tila kinè sam a hai, a di i shkè a deba, a i hil kinè a sam ga. Aman a sam man iyè a pa, kinè ba a pa. —Jean 14,3

Aman ko wawa man a gi hori ga, a hori ma ga a sam ndohi mphömè a ndohi malihi haha, kra-ndo ba a da gi hori nenga'a, a pats man a shkè te n'njèl Bab na, a nda golahi Bi Zhiklè nkezla'a. —Marc 8,38

Te deba'a skwi n'ngredè kra-ndo a ngrédè auda te gidfèk, a ger-

zi ndohi herkeda télèba ta tsi là-lau, a ta rka kra-ndo man a shkè te va vanai, a wud'ai, a n'njèl na mbia'a. —Matthieu 24,30

Lèmèlèmè ara ndidiyam man a ndoko te verzi gai, kalkad'ai a gé-dè'a, a da gi lèmèlèmè a mshkè kra-ndo. —Matthieu 24,27

Kinë ba, vo-zhor skwi a ma ma, va-nzala ndav kinè, aman Bai Yè-su a shkè ndul ndul. —Jacques 5,8

Na haha, i shkè ndul ndul; für skwi man ka ngotso, ndo ngidè da cèma ka mpèdè gèd' ngaya bai! —Apocalypse 3,11

Na haha i shkè ara ndo metsar. Mwuffè a sam nenga'a man a nzi a dai, a maslaka a va, man a dè adi azbai, a ta rka hori nenga'a man a-di azbai. —Apocalypse 16,15

Kinë ba, va-nza, ntila, aman kra-ndo a shkè a pats man kin hur bai. —Luc 12,40

Te deba'a ta rka kra-ndo man a shkè te va vanai, a wud'ai a n'njè-lè mbia'a. —Luc 21,27

Dalahimam ga, nga wudahi Zhi-klè a vava. A skwi man nga da ndi a pa te deba'a, a ngudko va a di di bai. Aman nga suna, aman a gudoko nga va a dai, nga da gi lè-

mèlèmè ara nenga'a, te man nga da rka'a ara ngi na. —1 Jean 3,2

Kra-ndo a di a shkè a n'njèl Bab na, a nda golahi nenga'a. Te deba'a a da va na ndo stad stad tèleba te di skwi man a gau. —Matthieu 16,27

Kinë, ndohi Galilée, kin zlatza, a kin pi di a zhiklè èhèmè? Yèsu haha, man a do na zhiklè a sam di kinè, a da shkè a deba, lèmèlèmè ara man kin rka, man a dè na zhi-klè. —Actes 1,11

Aman kinè a ri kinè kin sun a vava, pats Bai Yèsu a di a shkè ara ndo metsar a vad. —1 Thessaloniens 5,2

Ma Zhiklè

Yèsu a m'mbed'a ta a ma: Kin pèkèt kinè, te man kin sun d'èlèwèr Zhiklè bai, a kin sun wuđi Zhiklè bai. —Mattieu 22,29

Gidfèk a herkeda ta ndiv ta. Aman ma ga a ndivè azbai. —Luc 21,33

I gshè ma ngaya te ndav ga, aman i da gi mali a sam ngaya azbai. —Psaume 119,11

Aman ma d'èlèwèr Zhiklè tèleba, Mèzhèb Zhiklè a mvau, amba man a senda nga, a ngreda nga malai, a ngatsa nga maya, a njè nga te ngi-zura'a. —2 Timothée 3,16

Ma ngaya, pitirla sak ga, skwi nhelay civèđ ga. —Psaume 119,105

Va-tsu rai, va-pra malai!

(Yèsu a gađa) Ani haha sèi kin tsi ri arsa: Bab nga, man ka zhè te zhiklè te gédè'a. A woy ta kezla nzlembad' ngaya. Kokwar-Bi ngaya da shkè. Skwi man ka woya'a, da gu t'herkeda lèmelèmè ara nte zhiklè. Vaka nga skwi n'ndi nga te di mpatsna ba. Pra nga mali nga, ara man nga pra mali ndohai man ta gu mali a sam nga. Ka de nga a sam man a pe nga a wi bai, aman ber nga te ri nenga'a man amba-bai. Aman kokwar-bi a ngaya, a wuđai, a n'njèlè, pèc pècèk a mèdèp ba. Aman kin prè mali ndohai, Bab kinè te zhiklè a dè prè mali kinè arsa.—Matthieu 6:9-14

Published in numerous languages by World Missionary Press as God supplies funds in answer to prayer. Other booklets are also available. If you would like more copies for careful distribution, please write in English to:

**World Missionary Press, Inc.
Box 120
New Paris, Indiana 46553 U.S.A.**

Cameroon

247 Mofa
Printed in U.S.A.